

踏莎行

雲水閑人婪耽布素逍遙物外煙霞步存心乞化度朝昏巡門  
喏諾須分付 水定雲閑不隨他去煙消火滅清涼趣此遊聖  
境又空迴攜筇獨上長安路

屢勸聰明聰明不悟尋常相付留詞句詞中唯是勸迴修何曾  
詞裏依他做 早悟輪迴速尋出路二輪催促朝還暮今生榮  
貴是前緣來生果報將何去

捨俗修行超塵歸素安恬寂淡忘思慮顛狂猿馬鎖空房靈源  
一點常教住 莫覓金翁休搜龍虎清清閑暇逍遙做慧風吹  
散嶺頭雲一輪月照曹溪路

道藏輯要

水雲集

留

胃集五  
川三三

步步無生緣親禪道明來暗合通莊老風仙十載去朝元處端  
雲路將應早 悟正身中無窮眞寶因緣漏果何須造閑閑活  
計我家風逍遙坦蕩吾門好

既得修真須搜玄理心中事事都忘棄因師妙旨悟元初出頭  
一點光明起 落魄生涯水雲活計遨遊坦蕩紅塵裏諸公休  
訝這風人尋常只恁哩囉哩

驚驚憨憨無言無說自慚謾說虛分別從今更不外奔馳其中  
尤妙偏宜拙 收捲精神藏輝跡滅空生煩惱齊休歇祇陀園  
裏種瓊花芬芳一朵金蓮結

纔見春花又逢秋月春花秋月何時徹勸君速悟勿蹉跎壺中

別有嘉時節 斷愛超塵當須猛烈元陽固鍊搜玄訣神珠磨鍊莫交昏無來不去超生滅

忍辱常餐永除濁酒洗心滌意忘諸有存存損損了空虛安安穩穩無他走 靜靜清清天長地久春花秋月堅堅守騰騰兀兀向前行昏昏默默合着口

一顆玄珠從來蒙昧貪嗔癡染難分解頓修滌蕩不交昏輪迴生死都無礙 急急行持休生退怠綿綿鍛鍊須甯耐了心何處是歸期彩雲鶴引蓬萊會

贈興平趙六士

百歲榮華星移光烈人身難保朝昏徹恩情眷愛已收空不時

道藏輯要

水雲集

巽

胃集五

大限將分別 早悟輪迴驚生慘切割情捨愛親玄訣公還猛烈入清虛風人許你開心月

寄京兆徐公

方寸靈田何曾拂掃塵埃久暗生荒草神泉散漫不凝澄如何結得長生寶 雲水尋真道遙訪道離家便是離煩惱聰明如悟肯休心孤峯共飲蟠桃老

贈王三校尉

稽首王公微言少告殘年霜鬢君今到攀援恩愛幾時休閒身強健灰心好 深理幽微世情顛倒寂寥瀟灑搜玄奧水雲同步訪丹陽孤峯共飲蟠桃老